



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DCCCLXXII. ad annum DCCCCIX.

Parisiis, 1644

Epistola XXIX. Ioannis Papae VIII. Ad Landvlphvm Episcopvm Capvanvm.
Eiusdem argumenti.

urn:nbn:de:hbz:466:1-15967

gnia. Optamus gloriam, &c. Data xv. Kalendas Ianuarii, indictione decima.

EPISTOLA XXIX.
IOANNIS PAPÆ VIII.

AD LANDVLPHVM EPISCOPVM CAPVANVM.

Eiusdem argumenti.

Landulpho episcopo Capuano.

SIC VT de sanctitatis tuæ deuotione ab olim erga hanc sanctam Romanam ecclesiam habita gratulamur, ita de infidelium & de inimicorum malevolentia contristamur, nullatenus de omnipotentis Dei misericordia diffidentes, quod & tibi condigna recompensatio, & illis repentina confusio maturetur. Verum, vt condecet, reuerentiam tuæ fraternitatis laudabiliter amplectentes, & gratias agimus, & vt in bono perseuerare proficereque certes, apostolica mansuetudine deprecamur: Quatenus qui in illis regionibus & sanctitate decoratus, & deuotio ne prælatus es, sis etiam contra tortitudinem regula; & sicut haçtenus fecisse probaris, contra infelices felicitas, & contra iniquos æquitas, atque lux contra tenebras: sciens illius qui de tenebris dat lucem splendescere, solatium nobis & vobis citius affuturum, & nimis diu afflictæ Christi ecclesiæ omnipotentem Dominum consulturum. Præterea, quod de adiutorio, sicuti & ingens necessitas omnimodis postulat, a nobis conferendo depositis; hoc & nos meditamur, hoc volumus, & diuina gratia protegente, cito nos collatuos confidimus: quia iam calamitatem nobis commissi populi sustinere non possumus; iam deuastationem terræ istius aspicere non sufficiimus; tantumque dolemus, vt dici non possit, si omnes artus nostri vertantur in linguam. Quapropter vellemus adhibito sanctitatis tuæ consultu, necessaria ad communem securitatem negotia præuidere: tamen præter id quod ad præsens difficile posse fieri, vt ita dixerimus, cerritur; cum primum se nobis posse præbuerit (quamquam imperiale exercitum nos cito habituros speremus) hanc ipsam necessitatem spirituali filio nostro serenissimo semper Augusto rursum significabimus, & vt quantocius nobis potenti virtute sub-

Psalms.144. ueniat, humillimis precibus exhortabimur. Verumtamen prope est Dominus omnibus inuocantibus eum in veritate: voluntatem timentium se faciet, orationes eorum exaudiet, & saluos faciet eos. Data xiv. Kalendas Ianuarii, indictione decima.

EPISTOLA XXX.

IOANNIS PAPÆ VIII.

AD CAROLVM CALVVM IMPERATOREM.

Propter imminentia tum a Saracenis, tum a quibusdam Christianis, grauissima pericula, enixe petit, vt promissa auxilia quamprimum mittat, & destinatos ea de causa legatos commendat.

Ioannes episcopus Carolo imperatori.

CVM nos in ecclesiasticis curis instantia quotidiana constringeret, & hinc inde populi nobis commissi continuus dolor, qui cuncta nostra interiora perculit, perturbaret, illud, vt ita dixerim, inter alia fleuimus, quod nunc usque tam per terram, quam & nauigio, ad vos nostrum missum dirigere summo desiderauimus studio, vt nobis vestram prosperitatem desiderantibus & anxie scientibus renuntiarentur citissime sanitates, sed omnino nequiuimus. Hinc fateor, fili carissime, tanta per utrumque iter impedimenta timuimus, quantum & per paganos, & per iniquos Christianos, sine respectu diuini timoris, generari mala, quæ atas nostra non meminit, deploramus. Tanta enim sunt, vt intra moenia urbis reliquæ populi innumerata paupertate affectæ consistant, & omnibus forinsecus deuastatis ac in solitudinem redactis, nihil iam restet, nisi, quod Deus auertat, ipsius urbis excidium. Sed & quantum nos Leo venerabilis episcopus, apocrisiarius & missus sanctæ Romanæ ecclesiæ, communis quoque fidelis, a vestro seruitio rediens, de hoc quod a vobis retulit, post se vestrum exercitum contra Agarenos mittendum, laetificauerat, tantum hucusque eudem nobis expectantibus, quod consecuti non sumus, validior mœror & ineffabilis angustia contrastauit: quia tota Campania ab ipsis Deo odibilibus Saracenis funditus deuastata, iam fluuium qui a Tiburtina urbe Romam decurrit, fur-

tim